

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-16652-1/15.
Zenica, 16.09.2015. godine

Z A P I S N I K
sa 26. sjednice Vlade Zeničko-dobojskog kantona održane 07.09.2015. godine

Sjednica je održana u sali 109, prvi sprat u zgradi Kantona, dana 07.09.2015. godine u trajanju od 9¹⁰ do 13³⁵ sati.

Sjednicom je predsjedavao Miralem Galijašević, premijer Zeničko-dobojskog kantona.

Sjednici su prisustvovali članovi Vlade:

1. Zvonimir Anđelić, ministar Ministarstva za privredu,
2. Himzo Smajić, ministar Ministarstva za poljoprivredu, šumarstvo i vodoprivredu,
3. Mirnes Bašić, ministar Ministarstva za pravosuđe i upravu, *(sjednicu napustio u 13²⁰ sati)*,
4. Andrej Kajić, ministar Ministarstva finansija,
5. Hajrudin Žilić, ministar Ministarstva unutrašnjih poslova,
6. Nurdehan Šahinović, ministar Ministarstva za rad, socijalnu politiku i izbjeglice,
7. Mensur Sinanović, ministar Ministarstva za obrazovanje, nauku, kulturu i sport,
8. Bojan Gvozdenović, ministar Ministarstva zdravstva,
9. Goran Bulajić, ministar Ministarstva za prostorno uređenje, promet i komunikacije i zaštitu okoline,

kao i:

1. Mirsad Kadić, sekretar Vlade,
2. Berjana Ačkar, sekretar Sekretarijata za zakonodavstvo,
3. Azra Smailbegović-Đuherić, zapisničar.

Opravdano je odsutan:

1. Fahrudin Čolaković, ministar Ministarstva za boračka pitanja, *(sjednici prisustvovala Aida Topčić, sekretar Ministarstva)*.

U svojstvu izvjestioca sjednici su prisustvovali:

1. Senad Huseinagić, direktor Zavoda za javno zdravstvo Zeničko-dobojskog kantona,
2. Senaid Begić, direktor Zavoda zdravstvenog osiguranja Zeničko-dobojskog kantona,
3. Mirsada Silajdžić, direktorica Kantonalne uprave za inspekcijske poslove,
4. Denana Čolaković, sekretar Službe za razvoj i međunarodne projekte,
5. Željka Marković-Sekulić, direktorica Službe za zajedničke poslove.

Premijer je stavio na diskusiju predloženi

DNEVNI RED:

1. Verifikacija Zapisnika sa 24. sjednice Vlade Zeničko-dobojskog kantona, održane dana održane 27.08.2015. godine;
2. Izvještaj o zdravstvenom stanju stanovništva i organizaciji zdravstva na području Zeničko-dobojskog kantona u 2014. godini;
3. Izvještaj o izvršenju finansijskog plana Zavoda zdravstvenog osiguranja Zeničko-dobojskog kantona za period januar-juni 2015. godine, sa Prijedlogom Zaključka;
4. Izvještaj o radu Kantonalne uprave za inspekcijske poslove za period januar-juni 2015. godine, sa Prijedlogom Zaključka;
5. Informacija o reviziji Strategije razvoja Zeničko-dobojskog kantona za period 2016-2020. godine, sa Prijedlogom Zaključka;
6. Prijedlog Odluke o utvrđivanju visine naknada za rad predsjednika i članova upravnih odbora kantonalnih zdravstvenih ustanova i visine naknada za predsjednika i članove upravnog odbora Zavoda zdravstvenog osiguranja Zeničko-dobojskog kantona;
7. Prijedlog Rješenja o imenovanju vršioca dužnosti direktora Javne ustanove Institut za zdravlje i sigurnost hrane Zenica;
8. Prijedlog Odluke o oprihodovanju vlastitih prihoda budžetskih korisnika iz oblasti osnovnog, srednjeg i visokog obrazovanja neutrošenih do 30.06.2015. godine;
9. Prijedlog Odluke o uvećanje sredstava za budžetskog korisnika iz nadležnosti Ministarstva za pravosuđe i upravu – Kantonalno tužilaštvo, uplaćena sredstva od strane Visokog sudskog i tužilačkog vijeća BiH;
10. Prijedlog Zaključka o davanju saglasnosti Ministarstvu za pravosuđe i upravu za utvrđivanje visine naknade troškova polaganja stručnog ispita namještenika i pripravnika srednje stručne sprema u Zeničko-dobojskom kantonu i visine naknade za komisiju;
11. Prijedlog Odluke o dopunama Odluke o uslovima korištenja i načinu plaćanja službenih mobilnih telefona;
12. Prijedlog Odluke o utvrđivanju visine stipendije i broja rata za isplatu u akademskoj 2014/2015 godini;
13. Mišljenje Ministarstva za obrazovanje, nauku, kulturu i sport po Inicijativi zastupnika Almedina Aliefendića broj: 01-38-15084/15 od 31.07.2015. godine, vezanu za mogućnost odobravanja naknadnog roka za upis studenata na prvu godinu prvog ciklusa studija akademske 2015/2016 godine, sa Prijedlogom Zaključka;
14. Mišljenje Ministarstva za obrazovanje, nauku, kulturu i sport, doneseno po Inicijativi-Prijedlogu zastupnika Samira Lemeša, broj: 01-38-15217/15. od 04.08.2015. godine, vezanu za formiranje elektronskog registra nastavnika u osnovnim i srednjim školama na području Zeničko-dobojskog kantona, sa Prijedlogom Zaključka;
15. Mišljenje Ministarstva za obrazovanje, nauku, kulturu i sport, doneseno po Inicijativi-Prijedlogu zastupnika Hašima Mujanovića, broj: 01/02-02-15078/15. od 30.07.2015. godine, vezanu za donošenje Zakona o prenošenju nadležnosti Zeničko-dobojskog kantona za djelatnost osnovnog i srednjeg obrazovanja na općine Vareš, Breza, Olovo, Visoko, Kakanj, Zenica, Zavidovići, Maglaj, Doboj-Jug i Tešanj, sa Prijedlogom Zaključka;
16. Prijedlog Rješenja o razrješenju i konačnom imenovanju novog člana Školskog odbora Srednje muzičke škole Zenica;
17. Prijedlog Rješenja o razrješenju i konačnom imenovanju novih članova Školskog odbora JU Osnovne škole „21. mart”, Matuzići, Doboj jug;
18. Prijedlog Zaključka o davanju saglasnosti na povećanje broja studenata za upis u prvu godinu prvog ciklusa studija na Univerzitetu u Zenici u akademskoj 2015/2016. godini;
19. Izvještaj o realizaciji Programa utroška budžetskih sredstava od koncesija za period I-VI 2015. godine Ministarstva za privredu;

20. Izvještaj o realizaciji Programa utroška budžetskih sredstava - Subvencije privatnim preduzećima i poduzetnicima, za period I-VI 2015. godine Ministarstva za privredu;
21. Izvještaj o realizaciji Programa utroška budžetskih sredstava od koncesija za period I-VI 2015. godine Ministarstva za poljoprivredu, šumarstvo i vodoprivredu;
22. Prijedlog Zaključka o odobravanju isplate sredstava na ime premije za proizvodnju povrća i cvijeća u plastenicima i staklenicima;
23. Prijedlog Zaključka o isplati sredstava OPPPUZ „Bios“ po Visoko na ime isplate premije za proizvodnju presadnica povrća;
24. Prijedlog Zaključka o odobravanju sredstava Udruženju građana muzičkih pedagoga iz Zenice, na ime troškova održavanja programa obilježavanja Dana Zeničko-dobojskog kantona.

Ministar Ministarstva za obrazovanje, nauku, kulturu i sport predložio je povlačenje tačke 17: „Prijedlog Rješenja o razrješenju i konačnom imenovanju novih članova Školskog odbora JU Osnovne škole „21. mart“ Matuzići, Doboju“,

te predložio dopunu dnevnog reda materijalima:

- Prijedlog Odluke o preraspodjeli sredstava u Budžetu Zeničko-dobojskog kantona za 2015. godinu;
- Prijedlog Zaključka o davanju saglasnosti ministru Ministarstva za obrazovanje, nauku, kulturu i sport za potpisivanje Memoranduma o razumijevanju i Sporazuma o sufinansiranju između Razvojnog programa Ujedinjenih nacija (UNDP) i Ministarstva za obrazovanje, nauku, kulturu i sport Zeničko-dobojskog kantona.

Ministar Ministarstva za privredu predložio je dopunu dnevnog reda materijalom:

- Prijedlog Odluke o odobravanju finansijskih sredstava za finansiranje učešća privrednih subjekata na 22. Generalnom BH sajmu ZEPS 2015.

Članovi Vlade prihvatili su predložene izmjene i dopune te je za sjednicu jednoglasno usvojen slijedeći

DNEVNI RED:

1. Verifikacija Zapisnika sa 24. sjednice Vlade Zeničko-dobojskog kantona, održane dana održane 27.08.2015. godine;
2. Izvještaj o zdravstvenom stanju stanovništva i organizaciji zdravstva na području Zeničko-dobojskog kantona u 2014. godini;
3. Izvještaj o izvršenju finansijskog plana Zavoda zdravstvenog osiguranja Zeničko-dobojskog kantona za period januar-juni 2015. godine, sa Prijedlogom Zaključka;
4. Izvještaj o radu Kantonalne uprave za inspekcijske poslove za period januar-juni 2015. godine, sa Prijedlogom Zaključka;
5. Informacija o reviziji Strategije razvoja Zeničko-dobojskog kantona za period 2016-2020. godine, sa Prijedlogom Zaključka;
6. Prijedlog Odluke o utvrđivanju visine naknada za rad predsjednika i članova upravnih odbora kantonalnih zdravstvenih ustanova i visine naknada za predsjednika i članove upravnog odbora Zavoda zdravstvenog osiguranja Zeničko-dobojskog kantona;
7. Prijedlog Rješenja o imenovanju vršioca dužnosti direktora Javne ustanove Institut za zdravlje i sigurnost hrane Zenica;
8. Prijedlog Odluke o oprihodovanju vlastitih prihoda budžetskih korisnika iz oblasti osnovnog, srednjeg i visokog obrazovanja neutrošenih do 30.06.2015. godine;
9. Prijedlog Odluke o uvećanje sredstava za budžetskog korisnika iz nadležnosti Ministarstva za pravosuđe i upravu – Kantonalno tužilaštvo, uplaćena sredstva od strane Visokog sudskog i tužilačkog vijeća BiH;

10. Prijedlog Zaključka o davanju saglasnosti Ministarstvu za pravosuđe i upravu za utvrđivanje visine naknade troškova polaganja stručnog ispita namještenika i pripravnika srednje stručne sprema u Zeničko-dobojskom kantonu i visine naknade za komisiju;
11. Prijedlog Odluke o dopunama Odluke o uslovima korištenja i načinu plaćanja službenih mobilnih telefona;
12. Prijedlog Odluke o preraspodjeli sredstava u Budžetu Zeničko-dobojskog kantona za 2015. godinu;
13. Prijedlog Odluke o utvrđivanju visine stipendije i broja rata za isplatu u akademskoj 2014/2015 godini;
14. Mišljenje Ministarstva za obrazovanje, nauku, kulturu i sport po Inicijativi zastupnika Almedina Aliefendića broj: 01-38-15084/15 od 31.07.2015. godine, vezanu za mogućnost odobravanja naknadnog roka za upis studenata na prvu godinu prvog ciklusa studija akademske 2015/2016 godine, sa Prijedlogom Zaključka;
15. Mišljenje Ministarstva za obrazovanje, nauku, kulturu i sport, doneseno po Inicijativi-Prijedlogu zastupnika Samira Lemeša, broj: 01-38-15217/15. od 04.08.2015. godine, vezanu za formiranje elektronskog registra nastavnika u osnovnim i srednjim školama na području Zeničko-dobojskog kantona, sa Prijedlogom Zaključka;
16. Mišljenje Ministarstva za obrazovanje, nauku, kulturu i sport, doneseno po Inicijativi-Prijedlogu zastupnika Hašima Mujanovića, broj: 01/02-02-15078/15. od 30.07.2015. godine, vezanu za donošenje Zakona o prenošenju nadležnosti Zeničko-dobojskog kantona za djelatnost osnovnog i srednjeg obrazovanja na općine Vareš, Breza, Olovo, Visoko, Kakanj, Zenica, Zavidovići, Maglaj, Doboj-Jug i Tešanj, sa Prijedlogom Zaključka;
17. Prijedlog Rješenja o razrješenju i konačnom imenovanju novog člana Školskog odbora Srednje muzičke škole Zenica;
18. Prijedlog Zaključka o davanju saglasnosti ministru Ministarstva za obrazovanje, nauku, kulturu i sport za potpisivanje Memoranduma o razumijevanju i Sporazuma o sufinansiranju između Razvojnog programa Ujedinjenih nacija (UNDP) i Ministarstva za obrazovanje, nauku, kulturu i sport Zeničko-dobojskog kantona.
19. Prijedlog Zaključka o davanju saglasnosti na povećanje broja studenata za upis u prvu godinu prvog ciklusa studija na Univerzitetu u Zenici u akademskoj 2015/2016. godini;
20. Izvještaj o realizaciji Programa utroška budžetskih sredstava od koncesija za period I-VI 2015. godine Ministarstva za privredu;
21. Izvještaj o realizaciji Programa utroška budžetskih sredstava - Subvencije privatnim preduzećima i poduzetnicima, za period I-VI 2015. godine Ministarstva za privredu;
22. Izvještaj o realizaciji Programa utroška budžetskih sredstava od koncesija za period I-VI 2015. godine Ministarstva za poljoprivredu, šumarstvo i vodoprivredu;
23. Prijedlog Zaključka o odobravanju isplate sredstava na ime premije za proizvodnju povrća i cvijeća u plastenicima i staklenicima;
24. Prijedlog Zaključka o isplati sredstava OPPPUZ „Bios“ po Visoko na ime isplate premije za proizvodnju presadnica povrća;
25. Prijedlog Zaključka o odobravanju sredstava Udruženju građana muzičkih pedagoga iz Zenice, na ime troškova održavanja programa obilježavanja Dana Zeničko-dobojskog kantona;
26. Prijedlog Odluke o odobravanju finansijskih sredstava za finansiranje učešća privrednih subjekata na 22. Generalnom BH sajmu ZEPS 2015.

Prva tačka dnevnog reda

Vlada je jednoglasno verificirala Zapisnik sa 24. sjednice Vlade Zeničko-dobojskog kantona, održana dana 27.08.2015. godine.

Druga tačka dnevnog reda

Obrazloženje za ovu tačku dnevnog reda dao je Senad Huseinagić, direktor Zavoda za javno zdravstvo Zeničko-dobojskog kantona.

U diskusiji su učestvovali: Ministar Ministarstva zdravstva, Ministar Ministarstva za prostorno uređenje, promet i komunikacije i zaštitu okoline, Sekretar Vlade, Sekretar Sekretarijata za zakonodavstvo.

Vlada je jednoglasno donijela Zaključak kojim se prima na znanje Izvještaj o zdravstvenom stanju stanovništva i organizaciji zdravstva na području Zeničko-dobojskog kantona u 2014. godini.

Izvještaj iz tačke I. ovog zaključka upućuje se u dalju skupštinsku proceduru.

Zaključak stupa na snagu danom donošenja.

Treća tačka dnevnog reda

Obrazloženje za ovu tačku dnevnog reda dao je Senaid Begić, direktor Zavoda zdravstvenog osiguranja Zeničko-dobojskog kantona.

U diskusiji su učestvovali: Premijer Zeničko-dobojskog kantona, Ministar Ministarstva zdravstva, Ministar Ministarstva unutrašnjih poslova.

Vlada je jednoglasno donijela Zaključak kojim se usvaja Izvještaj o izvršenju Finansijskog plana Zavoda zdravstvenog osiguranja Zeničko-dobojskog kantona za period januar – juni 2015. godine.

Zaključak stupa na snagu danom donošenja.

Pored ovoga, Vlada je takođe jednoglasno donijela i slijedeći Zaključak:

3a) Zadužuju se Ministarstvo zdravstva i Zavod zdravstvenog osiguranja Zeničko-dobojskog kantona da sačine konkretan plan mjera i aktivnosti sa ciljem efikasnije naplate potraživanja, urednije kontrole izvršavanja zakonskih obaveza prema Zavodu, analize rashoda vankantonalnog liječenja, te kontrole bolovanja.

Rok za realizaciju zadatka iz tačke I. je do kraja septembra 2015. godine.

Zaključak stupa na snagu danom donošenja.

Četvrta tačka dnevnog reda

Obrazloženje za ovu tačku dnevnog reda dala je Mirsada Silajdžić, direktorica Kantonalne uprave za inspekcijske poslove.

U diskusiji su učestvovali: Premijer Zeničko-dobojskog kantona, Ministar Ministarstva finansija, Ministar Ministarstva unutrašnjih poslova, Ministar Ministarstva za rad, socijalnu politiku i izbjeglice, Ministar Ministarstva za pravosuđe i upravu, Sekretar Vlade i Sekretar Sekretarijata za zakonodavstvo.

Vlada je jednoglasno donijela Zaključak kojim se prima na znanje Izvještaj o radu Kantonalne uprave za inspekcijske poslove za period januar-juni 2015. godine.

Zaključak stupa na snagu danom donošenja.

Pored ovoga, Vlada je takođe jednoglasno donijela i slijedeći Zaključak:

4a) Nalaže se Kantonalnoj upravi za inspekcijske poslove da u Izvještaju o radu za period januar-decembar 2015 godine, uz podatke za izvještajni period, iskaže i uporedne podatke za isti period prošle godine.

Zaključak stupa na snagu danom donošenja.

Peta tačka dnevnog reda

Obrazloženje za ovu tačku dnevnog reda dala je Đenana Čolaković, sekretar Službe za razvoj i međunarodne projekte.

U diskusiji je učestvovao Ministar Ministarstva unutrašnjih poslova.

Vlada je jednoglasno donijela Zaključak o prihvatanju Informacije o reviziji Strategije razvoja Zeničko-dobojskog kantona za period 2016.-2020.

Prihvata se Informacija o reviziji Strategije razvoja Zeničko-dobojskog kantona za period 2016.-2020. Stručne službe za razvoj i međunarodne projekte Zeničko-dobojskog kantona koja je sastavni dio Zaključka.

Sa ciljem realizacije zadataka i planiranih aktivnosti iz Informacije o reviziji Strategije razvoja Zeničko-dobojskog kantona za period 2016.-2020., zadužuju se sva ministarstva i druga tijela uprave, te članovi Kantonalnog odbora za razvoj da nastave aktivnosti u skladu sa Odlukom o pokretanju procesa revizije Strategije razvoja Zeničko-dobojskog kantona za period 2016.-2020. („Službene novine Zeničko-dobojskog kantona“, broj 3/14).

Zaključak stupa na snagu danom donošenja.

Napravljena je pauza u radu u trajanju od 11³¹ do 11⁵⁰ sati.

Šesta tačka dnevnog reda

Obrazloženje za ovu tačku dnevnog reda dao je Bojan Gvozdenović, ministar Ministarstva zdravstva.

Diskutovala je Sekretar Sekretarijata za zakonodavstvo.

Vlada je jednoglasno donijela Odluku o visini naknade predsjednicima i članovima upravnih odbora kantonalnih zdravstvenih ustanova i Zavoda zdravstvenog osiguranja Zeničko-dobojskog kantona.

(1) Ovom odlukom utvrđuje se visina naknada za rad predsjednika i članova upravnih odbora kantonalnih zdravstvenih ustanova i visina naknada za predsjednika i članove upravnog odbora Zavoda zdravstvenog osiguranja Zeničko-dobojskog kantona i to:

a) predsjedniku upravnog odbora Javne ustanove Kantonalna bolnica Zenica i predsjedniku Zavoda zdravstvenog osiguranja Zeničko-dobojskog kantona u iznosu od po 300 KM (slovima: tristotine konvertibilnih maraka) mjesečno, a članovima ovih upravnih odbora u iznosu po 250 KM (slovima: dvijestotinepedeset konvertibilnih maraka) mjesečno,

b) predsjedniku upravnog odbora Javne ustanove Institut za zdravlje i sigurnost hrane Zenica, predsjedniku Javne ustanove Zavod za medicinu rada i sportsku medicinu Zeničko-dobojskog kantona i predsjedniku Javne ustanove Zavod za bolesti ovisnosti Zeničko-dobojskog kantona u iznosu od po 250 KM (slovima: dvijestotinepedeset konvertibilnih maraka) mjesečno, a članovima ovih upravnih odbora u iznosu od po 200 KM (slovima: dvijestotine konvertibilnih maraka) mjesečno.

(2) Naknada utvrđena u stavu 1. ovog člana isplaćuje se iz sredstava zdravstvenih ustanova, odnosno Zavoda zdravstvenog osiguranja Zeničko-dobojskog kantona.

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Sedma tačka dnevnog reda

Obrazloženje za ovu tačku dnevnog reda dao je Bojan Gvozdrenović, ministar Ministarstva zdravstva.

U diskusiji su učestvovali Sekretar Vlade i Sekretar Sekretarijata za zakonodavstvo.

Vlada je jednoglasno donijela Rješenje kojim se prim. dr. Senad Huseinagić imenuje se za vršioca dužnosti direktora Javne ustanove Instituta za zdravlje i sigurnost hrane Zenica, na period do imenovanja direktora po konkursu, a najduže šest mjeseci.

Rješenje stupa na snagu danom donošenja.

Osma tačka dnevnog reda

Obrazloženje za ovu tačku dnevnog reda dao je Andrej Kajić, ministar Ministarstva finansija.

Vlada je jednoglasno donijela Odluku o oprihodovanju vlastitih prihoda budžetskih korisnika iz oblasti osnovnog, srednjeg i visokog obrazovanja neutrošenih do 30.06.2015. godine.

Dio vlastitih prihoda budžetskih korisnika iz oblasti osnovnog, srednjeg i visokog obrazovanja neutrošeni do 30.06.2015. godine postaje javni prihod Zeničko-dobojskog kantona u visini od 50.485,56 KM, a odnosi se na preneseno stanje iz 2014. godine.

Odredbe člana 1. ove odluke odnose se na slijedeće budžetske korisnike:

Ekonomski kod	Naziv budžetskog korisnika	Iznos (u KM)
22020001	OŠ "ENVER ČOLAKOVIĆ" BREZA	1.136.70
22020004	OŠ "21 MART" DOBOJ-JUG	2.942.87
22020008	OŠ "HAMDIJA KREŠEVLJAKOVIĆ" KAKANJ	590.04
22020015	PRVA OSNOVNA ŠKOLA MAGLAJ	74.00
22020019	OŠ "OLOVO" OLOVO	269.96
22020020	OŠ "1 MART" TEŠANJ	391.19
22020024	OŠ "GAZI FERHAD-BEG" TEŠANJ	346.69
22020026	OŠ "KULIN BAN" TEŠANJ	342.64
22020027	OŠ "MUSTAFA MULIĆ" TEŠANJ	150.03
22020028	OŠ "REŠAD KADIĆ" TEŠANJ	1.668.59
22020030	OŠ "VAREŠ MAJDAN" VAREŠ	328.30
22020033	OŠ "KULIN BAN" VISOKO	1.162.05
22020034	OŠ "MEHMEDALIJA MAK DIZDAR" VISOKO	1.621.90
22020035	OŠ "MULA MUSTAFA BAŠESKIJE" VISOKO	8.021.26
22020036	OŠ "MUSA ĆAZIM ĆATIC" VISOKO	575.82
22020038	OŠ "DRUGA OSNOVNA ŠKOLA" ZAVIDOVIĆI	74.21
22020040	OŠ "HAJDEROVIĆI" ZAVIDOVIĆI	70.00
22020046	OŠ "AHMED MURADBEGOVIĆ" ZENICA	1.794.30
22020047	OŠ "ALEKSA ŠANTIĆ" ZENICA	96.82
22020048	OŠ "ALIJA NAMETAK" ZENICA	1.430.96
22020049	OŠ "ĆAMIL SIJARIĆ" ZENICA	2.485.20
22020051	OŠ "ENVER ČOLAKOVIĆ" ZENICA	3.63
22020055	KŠC SV.PAVAO OSNOVNA ŠKOLA	320.82
22020066	OŠ "FRA GRE MARTIĆA" OZIMICA	20.00
22030001	MSŠ "MEHMEDALIJA MAK DIZDAR" BREZA	900.34
22030003	OPĆA GIMNAZIJA KAKANJ	3.238.50
22030006	JU GIMNAZIJA EDHEM MULABDIĆ MAGLAJ	1.926.52
22030008	MJEŠOVITA SREDNJA ŠKOLA OLOVO	4.066.51

22030009	OPĆA GIMNAZIJA TEŠANJ	67.87
22030011	SREDNJA TEHNIČKA ŠKOLA TEŠANJ	12.429.83
22030013	OPĆA GIMNAZIJA VISOKO	3.10
22030017	SREDNJA TEHNIČKA ŠKOLA ZAVIDOVIĆI	157.51
22030021	JU DRUGA GIMNAZIJA U ZENICI	700.71
22030025	JU MJEŠOVITA SREDNJA ŠKOLA ZENICA	644.69
22030030	SREDNJA MJESOVITA SKOLA "ZEPCE"ZEPCE	382.00
22050001	PEDAGOŠKI ZAVOD	50.00
Ukupno:		50.485.56

Za realizaciju ove odluke zadužuju se Ministarstvo finansija i Ministarstvo za obrazovanje, nauku, kulturu i sport, svako u okviru svoje nadležnosti.

Ova odluka stupa na snagu narednog dana od dana objavljivanja u "Službenim novinama Zeničko-dobojskog kantona", a primjenjivat će se od 01.07.2015. godine.

Deveta tačka dnevnog reda

Obrazloženje za ovu tačku dnevnog reda dao je Mirnes Bašić, ministar Ministarstva za pravosuđe i upravu.

Vlada je jednoglasno donijela Odluku o uvećanju sredstava u Budžetu Zeničko-dobojskog kantona za 2015. godinu.

1) Odobrava se uvećanje sredstava u Budžetu Zeničko-dobojskog kantona za 2015. godinu („Službene novine Zeničko-dobojskog kantona“, broj: 2/15) za budžetskog korisnika iz nadležnosti Ministarstva za pravosuđe i upravu – Kantonalno tužilaštvo.

2) Uvećanje sredstava u Budžetu Zeničko-dobojskog kantona za 2015.godinu, vrši se na slijedeći način:

a) Na razdjelu 16, budžetska organizacija 04, potrošačka jedinica 0001 – Kantonalno tužilaštvo Zeničko-dobojskog kantona, sredstva na poziciji 613 900 ugovorene i druge posebne usluge, Plan izdaci iz donacija 2015. godina, uvećavaju se za 13.500 KM;

b) U Budžetu Zeničko-dobojskog kantona za 2015. godinu u dijelu A. PRIHODI u koloni Plan 2015. godina, sredstva na poziciji 722751- Primljene namjenske donacije neplanirane u budžetu, uvećavaju se za 13.500,00 KM.

1) Uplaćena sredstva od strane Visokog sudskog i tužilačkog vijeća BiH, Kantonalno tužilaštvo Zeničko-dobojskog kantona će utrošiti za realizaciju projekta „Podrška pravosuđu Bosne i Hercegovine - Jačanje uloge tužilaca u sistemu krivičnog pravosuđa, faza 2.“

2) Kantonalno tužilaštvo je dužno sačiniti izvještaj o namjenskom utrošku sredstava i isti dostaviti resornom ministarstvu najkasnije 7 (sedam) dana nakon utroška sredstava.

Za realizaciju ove Odluke zadužuju se Ministarstvo za pravosuđe i upravu i Ministarstvo finansija, svako u okviru svojih nadležnosti.

Ova Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Deseta tačka dnevnog reda

Obrazloženje za ovu tačku dnevnog reda dao je Mirnes Bašić, ministar Ministarstva za pravosuđe i upravu.

U diskusiji su učestvovali: Premijer Zeničko-dobojskog kantona, Sekretar Sekretarijata za zakonodavstvo, Sekretar Vlade i Ministar Ministarstva za rad, socijalnu politiku i izbjeglice.

Vlada je jednoglasno donijela Zaključak kojim se daje suglasnost Ministarstvu za pravosuđe i upravu da može utvrditi visinu naknade troškova polaganja sturčnog ispita namještenika i pripravnika srednje stručne spreme u Zeničko-dobojskom kantonu i odrediti visinu

naknade za Povjerenstvo za polaganje stručnog ispita namještenika i pripravnika srednje stručne sprema u Zeničko-dobojskom kantonu.

Zaključak stupa na snagu danom donošenja.

11. tačka dnevnog reda

Obrazloženje za ovu tačku dnevnog reda dala je Željka Marković-Sekulić, direktorica Službe za zajedničke poslove.

Diskutovao je Sekretar Vlade.

Vlada je jednoglasno donijela Odluku o dopunama Odluke o uslovima korištenja i načinu plaćanja službenih mobilnih telefona.

Ovom Odlukom se dopunjava Odluka o uslovima korištenja i načinu plaćanja službenih mobilnih telefona Vlade Zeničko-dobojskog kantona („Službene novine Zeničko-dobojskog kantona“ broj 3/15).

U članu 2. Odluke, vrše se dopune i dodaju se nove alineje:

- Direktor direkcije za ceste,
- Samostalni referent za saobraćaj i
- vozači Službe za zajedničke poslove.

U članu 3. stav (3), dodaje se nova alineja koja glasi:

- Direktora Direkcije za ceste,

U članu 3. stav (4), dodaje se nova alineja koja glasi:

- Samostalnog referenta za saobraćaj i
- vozače Službe za zajedničke poslove.

Za realizaciju ove odluke zadužuju se Ministarstvo finansija i Služba za zajedničke poslove.

Ova odluka stupa na snagu danom donošenja i objavit će se u "Službenim novinama Zeničko-dobojskog kantona".

12. tačka dnevnog reda

Obrazloženje za ovu tačku dnevnog reda dao je Mensur Sinanović, ministar Ministarstva za obrazovanje, nauku, kulturu i sport.

Vlada je jednoglasno donijela Odluku o preraspodjeli sredstava u Budžetu Zeničko-dobojskog kantona za 2015. godinu.

Odobrava se preraspodjela sredstava planiranih u Budžetu Zeničko-dobojskog kantona za 2015. godinu za budžetskog korisnika Ministarstvo za obrazovanje, nauku, kulturu i sport.

Preraspodjela sredstava vršit će se na sljedeći način:

- na razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, sredstva planirana na poziciji 614200 (MAD 204) – Tekući transfer za naučno istraživačku djelatnost, Plan izdaci iz budžeta 2015. godina, umanjuju se za 2.960,00 KM;

- na razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport sredstva na poziciji 614200 (MAD 202) – Tekući transfer za stipendiranje studenata, Plan izdaci iz budžeta 2015. godina, uvećavaju se za 2.960,00 KM.

Za realizaciju ove odluke zadužuje se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

13. tačka dnevnog reda

Obrazloženje za ovu tačku dnevnog reda dao je Mensur Sinanović, ministar Ministarstva za obrazovanje, nauku, kulturu i sport.

Vlada je jednoglasno donijela Odluku o utvrđivanju visine stipendije i broja rata za isplatu u akademskoj 2014/2015. godini.

Ovom odlukom utvrđuje se visina stipendije redovnim studentima prvog i drugog ciklusa studija s prebivalištem na području Zeničko-dobojskog kantona u akademskoj 2014/2015. godini, kao i broj rata za isplatu.

Sredstva iz člana 1. ove odluke realizovat će se u skladu s Programom utroška sredstava u razdjelu 22, budžetska organizacija 01, potrošačka jedinica 0001 - Ministarstvo za obrazovanje, nauku, kulturu i sport, ekonomski kod 614200, subanalitika MAD 202, pozicija „Tekući transfer za stipendiranje studenata“ Budžeta Zeničko-dobojskog kantona za 2015. godinu („Službene novine Zeničko-dobojskog kantona“, broj: 2/15), u iznosu od 1.002.960,00 KM (slovima: miliondvijehiljadestotinašezdeset konvertibilnih maraka).

(1) Visina stipendije po jednom korisniku iznosi 560 KM (slovima: petstotinašezdeset konvertibilnih maraka), a isplaćuje se u četiri jednaka bespovratna iznosa od po 140,00 KM (slovima: stotinučetdeset konvertibilnih maraka).

(2) Isplatu će izvršiti resorne općinske službe putem tekućeg računa studenta, a prema Konačnoj listi koju općinama dostavlja Ministarstvo za obrazovanje, nauku, kulturu i sport Zeničko-dobojskog kantona.

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

14. tačka dnevnog reda

Obrazloženje za ovu tačku dnevnog reda dao je Mensur Sinanović, ministar Ministarstva za obrazovanje, nauku, kulturu i sport.

U diskusiji su učestvovali Premijer Zeničko-dobojskog kantona i Ministar Ministarstva za rad, socijalnu politiku i izbjeglice.

Vlada je jednoglasno donijela Zaključka kojim se prihvata Mišljenje Ministarstva za obrazovanje, nauku, kulturu i sport, doneseno po Inicijativi – Prijedlogu poslanika Almedina Aliefendića broj:01-38-15084/15 od 31.07.2015. godine, vezanu za mogućnost odobravanja naknadnog roka za upis studenata na prvu godinu prvog ciklusa studija, akademske 2015/2016 godine, na fakultete Univerziteta u Zenici, a koje se prilaže uz ovaj zaključak i smatra njegovim sastavnim dijelom. Zaključak se upućuje u daljnu skupštinsku proceduru.

Zaključak stupa na snagu danom donošenja.

15. tačka dnevnog reda

Obrazloženje za ovu tačku dnevnog reda dao je Mensur Sinanović, ministar Ministarstva za obrazovanje, nauku, kulturu i sport.

U diskusiji su učestvovali: Premijer Zeničko-dobojskog kantona, Ministar Ministarstva za prostorno uređenje, promet i komunikacije i zaštitu okoline, Ministar Ministarstva za obrazovanje, nauku, kulturu i sport i Ministar Ministarstva unutrašnjih poslova.

Vlada je jednoglasno donijela Zaključka kojim se prihvata Mišljenje Ministarstva za obrazovanje, nauku, kulturu i sport, doneseno po Inicijativi-Prijedlogu zastupnika Samira Lemeša, broj: 01-38-15217/15 od 04.08.2015. godine, vezanu za formiranje elektronskog registra nastavnika u osnovnim i srednjim školama na području Zeničko-dobojskog kantona, a koje se prilaže uz ovaj zaključak i smatra njegovim sastavnim dijelom.

Zaključak se upućuje u daljnu skupštinsku proceduru.

16. tačka dnevnog reda

Obrazloženje za ovu tačku dnevnog reda dao je Mensur Sinanović, ministar Ministarstva za obrazovanje, nauku, kulturu i sport.

U diskusiji su učestvovali: Premijer Zeničko-dobojskog kantona, Ministar Ministarstva za rad, socijalnu politiku i izbjeglice, Ministar Ministarstva unutrašnjih poslova, Sekretar Sekretarijata za zakonodavstvo i Sekretar Vlade.

Vlada je jednoglasno donijela Zaključak kojim se prihvata Mišljenje Ministarstva za obrazovanje, nauku, kulturu i sport, doneseno po Inicijativi-Prijedlogu zastupnika Hašima Mujanovića, broj: 01/02-02-15078/15. od 30.07.2015. godine, vezanu za donošenje Zakona o prenošenju nadležnosti Zeničko-dobojskog kantona za djelatnost osnovnog i srednjeg obrazovanja na općine Vareš, Breza, Olovo, Visoko, Kakanj, Zenica, Zavidovići, Maglaj, Doboj-Jug i Tešanj, a koje se prilaže uz ovaj zaključak i smatra njegovim sastavnim dijelom.

Zaključak se upućuje u daljnju skupštinsku proceduru.

Zaključak stupa na snagu danom donošenja.

17. tačka dnevnog reda

Obrazloženje za ovu tačku dnevnog reda dao je Mensur Sinanović, ministar Ministarstva za obrazovanje, nauku, kulturu i sport.

Vlada je jednoglasno donijela Rješenje o razrješenju i konačnom imenovanju novog člana Školskog odbora Srednje muzičke škole Zenica.

Razrješava se članstva u Školskom odboru Srednje muzičke škole Zenica:

- Topić Edina – član, iz reda roditelja, na lični zahtjev.

U Školski odbor, na period do isteka mandata Školskog odbora Srednje muzičke škole Zenica, imenuje se:

- Marić Željka – član, iz reda roditelja.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“.

18. tačka dnevnog reda

Obrazloženje za ovu tačku dnevnog reda dao je Mensur Sinanović, ministar Ministarstva za obrazovanje, nauku, kulturu i sport.

U diskusiji su učestvovali: Premijer Zeničko-dobojskog kantona, Ministar Ministarstva finansija, Ministar Ministarstva za rad, socijalnu politiku i izbjeglice, Ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Zaključak o davanju saglasnosti ministru Ministarstva za obrazovanje, nauku, kulturu i sport za potpisivanje Memoranduma o razumjevanju i Sporazuma o sufinansiranju između Razvojnog programa Ujedinjenih nacija (UNDP) i Ministarstva za obrazovanje, nauku, kulturu i sport Zeničko-dobojskog kantona.

Daje se saglasnost ministru Ministarstva za obrazovanje, nauku, kulturu i sport za potpisivanje Memoranduma o razumjevanju i Sporazuma o sufinansiranju između razvojnog programa Ujedinjenih nacija (UNDP) i Ministarstva obrazovanja, nauke, kulture i sporta Zeničko-dobojskog kantona, sa ciljem realizacije zajedničkog projekta izgradnje novih školskih objekata OŠ „Maglaj“ Maglaj, Područna škola „Bočinja“ i „Prve osnovne škole“ Zavidovići, Područna škola „Lovnica“, u vrijednosti od 491.400,00 KM.

Za realizaciju ovog Zaključka zadužuje se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Zaključak stupa na snagu danom donošenja.

19. tačka dnevnog reda

Obrazloženje za ovu tačku dnevnog reda dao je Mensur Sinanović, ministar Ministarstva za obrazovanje, nauku, kulturu i sport.

U diskusiji su učestvovali: Premijer Zeničko-dobojskog kantona i Ministar Ministarstva finansija.

Vlada je jednoglasno donijela Zaključak o davanju saglasnosti na povećanje broja studenata za upis u prvu godinu PRVOG ciklusa studija na Univerzitetu u Zenici u akademskoj 2015/2016. godini.

U skladu s tačkom III. Zaključka Vlade Zeničko-dobojskog kantona, broj: 02-38-12772/15. od 11.06.2015. godine, daje se saglasnost na povećanje broja studenata za upis u prvu godinu prvog ciklusa studija na Univerzitetu u Zenici u akademskoj 2015/2016. godini:

RB	Fakultet	Studijski program	Redovni studenti-finansira Osnivač
1.	Filozofski fakultet	Turski jezik i književnost	1
2.	Ekonomski fakultet	Računovodstveni i revizijski menadžment	1
		Menadžment preduzećima	1
3.	Fakultet za metalurgiju i materijale	Hemijsko inženjerstvo	1
4.	Islamski pedagoški fakultet	Predškolski odgoj i obrazovanje	8
		Islamska vjeronauka	1
		Socijalna pedagogija	2
		Arapski jezik i književnost	1
5.	Pravni fakultet		6
UKUPNO:			22

Povećanje broja studenata za upis u prvu godinu prvog ciklusa studija na Univerzitetu u Zenici u akademskoj 2015/2016. godini odnosi se na kategorije djece šehida, poginulog, umrlog, nestalog branioca; poginulog, umrlog, nestalog dobitnika ratnog priznanja ili odlikovanja; umrlog ratnog vojnog invalida i umrlog demobiliziranog branioca, koji su položili prijemni ispit, ali zbog nedovoljnog broja bodova nisu ostvarila pravo na prijem, kao i kandidata koji nisu ostvarili potreban broj bodova po općem i posebnom kriteriju na fakultetima na kojima nije bilo prijemnog ispita.

Za realizaciju ovog zaključka zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Zaključak stupa na snagu danom donošenja.

20. tačka dnevnog reda

Obrazloženje za ovu tačku dnevnog reda dao je Zvonimir Anđelić, ministar Ministarstva za privredu.

Vlada je jednoglasno donijela Zaključak o usvajanju Izvještaja o realizaciji Programa utroška budžetskih sredstava od koncesija Ministarstva za privredu Zeničko-dobojskog kantona, za period I – VI 2015. godine

Usvaja se Izvještaj o realizaciji Programa utroška budžetskih sredstava od koncesija Ministarstva za privredu Zeničko-dobojskog kantona, za period I–VI 2015. godine, na razdjelu 18, budžetska organizacija 01, potrošačka jedinica 0001, koji čini sastavni dio ovog zaključka.

Zaključak stupa na snagu danom donošenja.

21. tačka dnevnog reda

Obrazloženje za ovu tačku dnevnog reda dao je Zvonimir Anđelić, ministar Ministarstva za privredu.

Vlada je jednoglasno donijela Zaključak o usvajanju Izvještaja o realizaciji Programa utroška budžetskih sredstava Ministarstva za privredu Zeničko-dobojskog kantona - Subvencije privatnim preduzećima i poduzetnicima, za period I – VI 2015. godine.

Usvaja se Izvještaj o realizaciji Programa utroška budžetskih sredstava Ministarstva za privredu Zeničko-dobojskog kantona -Subvencije privatnim preduzećima i poduzetnicima, za period I–VI 2015. godine, na razdjelu 18, budžetska organizacija 01, potrošačka jedinica 0001, koji čini sastavni dio ovog zaključka.

Zaključak stupa na snagu danom donošenja.

22. tačka dnevnog reda

Obrazloženje za ovu tačku dnevnog reda dao je Himzo Smajić, ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se usvaja Izvještaj o utrošku sredstava od koncesija za period januar-juni 2015. godine Ministarstva za poljoprivredu, šumarstvo i vodoprivredu.

Zaključak stupa na snagu danom donošenja.

23. tačka dnevnog reda

Obrazloženje za ovu tačku dnevnog reda dao je Himzo Smajić, ministar Ministarstva za poljoprivredu, šumarstvo i vodoprivredu.

Diskutovao je Premijer Zeničko-dobojskog kantona.

Vlada je jednoglasno donijela Zaključak kojim se odobrava isplata u ukupnom iznosu od 186.429,60 KM (slovima: stotinu osamdeset šest hiljada četrinaestdesetdevet i 60/100 KM) na ime isplate premije za proizvodnju povrća i cvijeća u plastenicima i staklenicima.

Odobrena sredstva iz tačke I ovog Zaključka isplatit će se iz Budžeta Zeničko-dobojskog kantona za 2015. godinu sa razdjela 23, budžetske organizacije 01, potrošačka jedinica 0001, ekonomski kod 614 400 NAD 402, pozicija “Subvencije za podsticaj razvoja u poljoprivrednoj proizvodnji”

Sredstva iz tačke I ovog zaključka bit će isplaćena prema priloženom spisku. Spisak proizvođača povrća i cvijeća u plastenicima i staklenicima od rednog broja 1. do 44. sastavni je dio ovog zaključka.

Za realizaciju ovog zaključka zadužuje se Ministarstvo za poljoprivredu, šumarstvo i vodoprivredu i Ministarstvo finansija Zeničko-dobojskog kantona.

Zaključak stupa na snagu danom donošenja.

24. tačka dnevnog reda

Obrazloženje za ovu tačku dnevnog reda dao je Himzo Smajić, ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se odobrava isplata za OPPPUZ „Bios“ Visoko u ukupnom iznosu od 20.000,00 KM (slovima: dvadeset hiljada KM) na ime isplate premije za proizvodnju presadnica povrća.

Odobrena sredstva iz tačke I ovog Zaključka isplatit će se iz Budžeta Zeničko-dobojskog kantona za 2015. godinu sa razdjela 23, budžetske organizacije 01, potrošačka jedinica 0001,

ekonomski kod 614 400 NAD 402, pozicija "Subvencije za podsticaj razvoja u poljoprivrednoj proizvodnji"

Sredstva iz tačke I ovog Zaključka bit će isplaćena uzgajivaču OPPPUZ „Bios“ po Visoko ID broj 4218401220003 na žiro račun broj 1543022000287211 otvoren kod Intesa SanPaolo Banka d.d. BiH.

Za realizaciju ovog zaključka zadužuje se Ministarstvo za poljoprivredu, šumarstvo i vodoprivredu i Ministarstvo finansija Zeničko-dobojskog kantona.

Zaključak stupa na snagu danom donošenja.

25. tačka dnevnog reda

Obrazloženje za ovu tačku dnevnog reda dao je Miralem Galijašević, premijer Zeničko-dobojskog kantona.

Vlada je jednoglasno donijela Zaključak kojim se odobravaju novčana sredstva Udruženju građana muzičkih pedagoga iz Zenice, u iznosu od 350,00 KM (slovima: tristotinepedeset konvertibilnih maraka) na ime troškova održavanja svečanog programa prilikom obilježavanja Dana Zeničko-dobojskog kantona 31.08.2015. godine s početkom u 1100 sati.

Odobrena sredstva iz tačke I. ovog zaključka isplatit će se iz Budžeta Zeničko-dobojskog kantona za 2015. godinu ("Službene novine Zeničko-dobojskog kantona", broj: 2/15), sa razdjela 11, Ured premijera, budžetska organizacija 01, potrošačka jedinica 0001, ekonomski kod 614300, pozicija "Tekući transfer neprofitnim organizacijama".

Sredstva uplatiti na žiro-račun Udruženja građana muzičkih pedagoga iz Zenice broj: 134-010-0000 146 202, otvorenog kod Investiciono-komercijalne banke iz Zenice

Za realizaciju ovog zaključka zadužuju se Ured premijera i Ministarstvo finansija, svako u okviru svojih nadležnosti.

Obavezuje se korisnik sredstava da Uredu premijera Zeničko-dobojskog kantona podnese izvještaj o utrošku sredstava u roku od 30 dana.

Zaključak stupa na snagu danom donošenja.

26. tačka dnevnog reda

Obrazloženje za ovu tačku dnevnog reda dao je Zvonimir Anđelić, ministar Ministarstva za privredu.

Diskutovao je Ministar Ministarstva finansija.

Vlada je jednoglasno donijela Odluku o odobravanju finansijskih sredstava za finansiranje učešća privrednih subjekata na 22. Generalnom BH sajmu ZEPS 2015.

Odobravaju se finansijska sredstva Poslovnom sistemu RMK Zenica u iznosu od 15.000,00 KM (slovima: petnaest hiljada konvertibilnih maraka) u svrhu finansiranja učešća i promocije privrednih subjekata iz Zeničko-dobojskog kantona na 22. Generalnom BH sajmu ZEPS 2015.

Poslovni sistem RMK Zenica obavezan je da obezbijedi poseban položaj štanda sa minimalno 120 m² opremljenog izložbenog prostora za organizaciju kolektivne izložbe privrede za minimalno 8 izlagača.

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2015. godinu, razdjel 18, budžetska organizacija 01. potrošačka jedinica 0001, ekonomski kod 614 500, pozicija „Subvencija privatnim preduzećima i poduzetnicima“.

Isplata sredstava će se izvršiti preko transakcijskog računa broj: 134-010-0000041345, otvorenog kod IK Banka d.d. Zenica.

Zadužuju se Ministarstvo za privredu i Stručna služba za razvoj i međunarodne projekte da realiziraju promociju, prema utvrđenim kriterijima i Javnim pozivom.

Za realizaciju ove odluke zadužuju se Ministarstvo za privredu i Ministarstvo finansija, svako u okviru svoje nadležnosti.

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Premijer je zaključio sjednicu u 13³⁵ sati.

SEKRETAR

Mirsad Kadić

PREMIJER

Miralem Galijašević

ZAPISNIČAR

Azra Smaibegović Đ.